

4.

Zoolog ~~3037~~

XII 1590 : 3

19 Tafel 112/11de

4G - FB

SUB Göttingen  
209 109 033

7





JO. FRID. BLUMENBACHII


PROF. MED. ORDIN. M. BRITANN. R. A. CONSIL. AVL. SOC. REG. SCIENT. GOTTING. ET  
LONDIN. IT. ACAD. AMERICANAEC ART. ET SCIENT. BOSTON. SOCIET. ROTTEROD.

ALIARVMQVE MEMBRI

D E C A S  
TERTIA COLLECTIONIS SVAE  
C R A N I O R V M  
DIVERSARVM GENTIVM ILLVSTRATA.

---

G O T T I N G A E  
APVD JOANN. CHRIST. DIETERICH.  
MDCCXCV.



---

**Q**uamquam priores duae decades insignem satis et memorabilem craniorum diuersarum gentium copiam exhibuerint, bina tamen hactenus restabant, quibus inuitissimus carebam ad seriem vniuersam anthropologico scopo explendam: primo nempe caput osseum tanta symmetricae pulcritudinis perfectione conspicuum ut pro norma quasi ideali et canone venustissimae conformatio[n]is haberi possit: tum vero vnum quoque alterumue specimen istius generis humani varietatis quae oceanii australis insulanos complectitur.

Vtrique desiderio iam satisfecerunt pro insigni sua erga me munificentia viri Perillustres BANKSIUS Baronetus, et L. B. DE ASCH. Huic nempe acceptum referto speciosissimum cranium feminae adolescentis Georgianae; isti vero bigam craniorum vtriusque stemmatis principis barbarorum australis oceanii insulas habitantium; alterum nempe Nouo-Hollandi, alterum Otaheitiae.

Hisce vero selectum septem aliorum capitum osseorum talem iunxi, vt nunc tertiae huius decadis additione satis completam varietatis gentilitiae craniorum synopsin, me exhibuisse, confidam.

\* \* \*

VARIETATIS PRIMAE  
SPECIMINA BINÆ.

XXI. FEMINAE GEORGIANAE.

(— Tab. XXI. —)

Cranium est, ut modo dixi, feminæ iuuenis Georgianaæ, quæ nuperiore bello Turcico a Russis capta, et Moscouiam translata, illic cum morte subitanea obiisset, caussam eius legali sectione ex muneris officio indagauit cl. HILTEBRANDT, anatomes Professor apud Moscovenses dignissimus; qui caput osseum ob eximiam formæ elegantiæ curate seruauit, et Perillustri L. B. DE ASCH Petropolin misit, cuius liberalitate, quam toties iam expertus veneror, in collectiōnem meam transiit.

Vniuersus huius cranii habitus tam elegans et venustus, vt et tantum non semper vel indoctorum, si qui collectionem meam contemplantur, oculos eximia sua proportionis formositate feriat.

Caluaria subglobosa, versus tempora paulo compressior; frons modice explanata; ossa iugalia angustiora, inde a processu malari ossis frontis lehiter vtrinque descendantia et retrosum flexa; arcus superciliares aequabiles nullo ad glabellam interfinio distincti, sed eo loco molli potius tubere cum nasi dorso confluentes; limbus alveolaris aequabiliter arcuatus; mentum pleniusculum, pulchre rotundatum; verbo, in vniuerso capitil huius ossei ambitu nihil asperi, nihil praeter modum profilientis, ita vt perfecte medium teneat locum inter bina faciei gentilitiae in humano genere extrema; Mongolicum nempe alterum, facie complanata et quasi depressa, ac ossum iugalium extrorsum vtrinque directa eminentia insigne; alterum Aethiopicum, fronte contra tuberosa et fornicata, ac mandibulis angustis sed antrorsum porrectis, conspicuum.

Quam ingenter enim bina ista extrema ab iuicem abhorreant, quamque perfecte medium inter ea locum teneat Georgianaæ de quo agimus cranium, luculentissime patescit craniis his iuxta se positis,  
facie

facie eorum ad eandem lineam horizontalem directa, tuncque retro a vertice consideratis: de cuius aspectus seu *normae verticalis* ad craniorum formam gentilitiam inuicem comparandam ratione et usu alias egi, et ipissimorum quae modo dixi ternorum craniorum exemplis illustrauit a).

Quanta vero Georgianae capiti osseos symmetrica proportio et venustas, optime sentitur curatius id ipsum comparando cum uno alteroue femineo simulachro diuinorum artis antiquae Graecanicae operum. Est mihi v.c. dum haec scribo ad manus gypseum exemplum protomes marmoreae Clyties ineffabili pulcritudine conspicuae, quae ex Laurentiano quo Neapolis superbit palatio in thesaurum selectissimum artis antiquae operum transit, quem vir humanissimus et doctissimus CAR. TOWNLEY Londini summo iudicio et gusto sibi congesit. Comparato iam isto de quo agimus crano cum hocce capite gypseo, quatenus nempe inuicem conferri possunt, adeo istud huic respondere vides, ut illud huius prototypo quondam inhaesisse, peierares.

Respondet ceteroquin formosum istud cranium, quod sane pro canone ideali habere licet, iis quae de summa Georgianae gentis pulcritudine vel in vulgus nota sunt b).

\* \* \*

A 3

XXII.

a) *De generis humani varietate nativa*, edit. 3. 1795. pag. 204 sq. tab. I. fig. 1. 2. 3.

b) Ex nube testium citasse sufficiat Jo. CHARDIN, itinerarii classici vol. I. pag. 171. ed. Amst. 1735. 4. — “Le sang de Géorgie est le plus beau de l’Orient, et je puis dire du monde. Je n’ai pas remarqué un visage laid en ce pays-là, parmi l’un et l’autre sexe: mais j’y en ai vu d’angeliques. La Nature y a répandu sur la plupart des femmes, des graces qu’on ne voit point ailleurs. Je tiens pour impossible, de les regarder sans les aimer. L’on ne peut peindre de plus charmants visages, ni de plus belles tailles, que celles des Géorgiennes.”

## XXII. SARMATAE LITVANI.

(— Tab. XXII. —)

Donum desideratissimi REINEGGS, viri de re medica et historia naturali longe meritissimi, quod itidem cura Generosissimi ASCHIADAE ad me peruenit.

Eam praesertim ob caussam hic exhibeo, vt ad oculum quod aiunt comprobem, quae alias in *lineam facialem* CAMPERI animadvertis, quam male nempe sufficiat ad characterem craniorum gentilium constituendum. Quodsi enim hocce de quo agimus cranium a latere tantum spectamus, parum sane abest quin ei Aethiopis Congensis capiti osseo, quod Decadis secundae tab. XVIII delineatum est, fere vt ouum ouo simile sit; quando vero vtrumque ad *normam verticalem* reuocatur, quam modo dixi, mirum quantum vnum ab altero differre, luculentissime appetet. Tunc enim alterum vel angusta iam et a lateribus quasi compressa caluaria, fronteque tuberosa et fornicata, aperte Aethiopicam originem testatur; et insigniter ab altero hocce Sarmatico discrepat.

Validissimum ceteroquin hocce cranium est, valde crassum, robustum et ponderosum: prouectioris aetatis viri: praeter alia minoris momenti, maxime limbi orbitalium angustia, harumque contra alta profunditate, et sicibus frontalibus praesertim ad glabellam horride prominentibus, insigne.

\* \* \*

VARIE-

V A R I E T A T I S   S E C V N D A E  
S P E C I M I N A   T E R N A .

XXIII. *SINENSIS DAÜRICI.*

(— Tab. XXIII. —)

Cranium est genuini Tungusae Daürici s. Sinensis tribus Saradulicae, quae quidem Seculo posteriore ad finem vergente principem GANTIMUROW secuta, Amuri ripas relinquens, Russicae potestati se subiecit. Senis est octoginta octo annorum, ante aliquot annos ad Onon fl. prope reseruatum ut vocant, Tungusio-Iljinense mortui, a viro egregio Jo. ROESSLEIN, M. D. Rutenorum Imperatrici ab aulae consiliis, in itinere Sibirico versante, ex sepulcro erutum, et ad Perill. Bar. DE ASCH Petropolin missum est, cuius liberalitate in meam collectionem transiit.

*Characteres primarii.* Omnes ac singuli habitum Mongolicum spirant. Facies plana, depressa; naso simo, fossa malari leuissime tantum sinuata, et ossibus iugalibus vtrinque ad latera exorrectis. Mentum prominulum.

*Alia obseruata.* Limbus alveolaris superior, et si pridem edentulus, tamen non ut alias in silicerniis dentibus orbis solet, resorptus, sed magnam partem superstes, alveolis quamuis clausis et margine extremo quasi in aciem excurrente.

Memineram cum priore decade primum Mongolici hominis cranium exhiberem, binarum imaginum iuuenis Calmucci quae penes me sunt et gentilitio suo charactere perfecte cum eo conueniunt quem istius hominum varietatis capita ossea p[re]ae se ferunt. Constat vero mihi ab eo inde tempore esse tam felici ut amicitia viri humanissimi cl. TATTER, M. Britann. Reg. a secret. legation. eiusdem Calmucci effigie, sed ab hoc ipso propria manu, incomparabili plane artificio et gusto, et viuidissima similitudine creta nigra

(f. schisto

(s. schisto scriptorio) delineata, potirer. Cum enim vir iste humannissimus in comitatu Serenissimi M. Britann. Principis AUGUSTI Romae versaretur, in pictorum coetu diuersarum gentium illuc confluente Mongolicum hunc summum artificem, cui nomen FEDORIS IWANOWITSCH, offendit, eamque quam dixi imaginem ab ipso parari curavit, eaque tanquam cimelio summi pretii supelle&tilem meam anthropologicam ditauit. Tanto autem gusto tamque delicate perfectione expressa est haec imago, ut non semel vel artis periti primo intuitu haesitarint anne anglici chalcographi opus esset summa mollitie aere expressum. Quanta vero ipsi insit similitudo vel ex eo coniicere licet, quod saepius iam viri in itinere versati Roma reduces me inuisentes, primo statim aspectu et sponte imaginem eam admirabundi agnouerint. Simul autem tam perfecte gentilitium characterem Mongolicum spirat, ut pro ideali huius varietatis generis humani iconē haberi possit.

\* \* \*

#### XXIV. ESKIMOTAE PRIMI.

(— Tab. XXIV. —)

Rarissima binorum Eskimotarum crania debo amicitiae viri tum scriptis tum factis de salute multorum hominum longe meritissimi, cl. Jo. LORETZ, cuius quippe cura et studio e colonia Nain orae Labradoricae ad me peruererunt.

De vtrisque seorsim. Atqui prius de eo quod adhuc inferiore mandibula instructum est.

*Characteres primarii.* Vniuerso habitu perfecte medium locum tenet inter Mongolicae varietatis crania hactenus a me descripta et Americanae; ita ut transitum ab ipsis ad haec facere dicendum sit. Facies nempe plana quidem, iugalibus tamen ossibus non adeo ut apud Mongolicas gentes extorsum eminentibus; nasus parvus vtique, neque tamen adeo ut in his simus et depresso. Mentum acuminatum, prominens. Fossa basilaris, (regio scilicet margini postremo

postremo laminæ horizontalis ossum palatinorum, et processibus pterygoideis ossis sphenoidei ad condylos usque occipitales interiecta,) in longum extensa, sed plana, parum profunda. Occiput protuberans.

*Alia obseruata.* Ossa ynguis angustissima, fere linearia et per quam tenuia. Dentium coronae maximam partem detritae: procul dubio ex victus crudi et durioris ratione; unde et Eskimotarum nomen originem traxisse perhibetur.

Ad amissim respondet caput hocce osseum egregiis imaginibus viuis coloribus a summo artifice NATHAN. DANCE ad ipsam naturam Londini factis binorum Eskimotarum, viri et feminae, a cl. G. CARTWRIGHT a. 1773 a Capite Caroli orae Labradoriae in Angliam translatorum c), quorum copiam pro humanitate sua et studia promouendi ardore mihi fecit Perill. Baronetus BANKS. Nam et viuidae hae icones adeo medium testantur faciem gentilitiam Mongolicam inter et Americanam, ut vel solae ad refutandam ROBERTSONII paradoxam opinionem sufficiant, si refutatione adhuc opus esset, quasi nempe Eskimotae a Normannis originem suam traxerint d).

\* \* \*

## XXV. ESKIMOTAE SECUNDI.

(— Tab. XXV. —)

In vniuersum priori quoad characteres primarios simile cranium. Imo vero planities singularis fossae basiliaris adhuc maior. Hinc et zygoma elongatius, et valde gracile.

Dissent tamen maiore ambitu limbi alveolaris, cuius vero in altero crano angustia fortassis alveolis pridem post dentum casum obli-

c) Cfr. Cptn. CARTWRIGHT'S *Journal during a Residence of nearly 16 years on the Coast of Labrador.* vol. I. pag. 41. 262-75. 277.

d) v. ROBERTSON'S *History of America* vol. II. pm. 40.

obliteratis debetur; cum contra in eo de quo nunc agimus vtrinque maxillares restent: sed et hi aequae ac caninus superstes admodum detriti.

Singulari ceteroquin et characteristico suo habitu prope abest a binis aliis craniis, eiusdem ut verisimilium est gentis, et si ex longe distantibus, quas mire dissitas incolit, oris; altero nempe quod ex sinu Georgii (*Nutka-Sound*) retulit meritissimus KING et academiae Oxoniensi dono dedit, ubi in theatro anatomico collegii Christi afferuatum, monstrauit mihi amicissimus PEGGE, anatomes Prof. in ea academia dignissimus e); altero ex insula canum (*Hond-Eyland*) ad fretum Disko littoris occidentalis Groenlandiae, quod a chirurgo Würtenbergensi RIECKE reportatum et a WINSLOVIO curate descriptum f).

\* \* \*

e) Iconem huius crani exhibuit a. 1785 tabula anecdota, Perillustri BANKSII dicata, CAMPERUS.

f) In *Mémoires de l'acad. des sciences de Paris* a. 1722. pag. 323.

Lapsus CAMPERI, cum WINSLOVIUM plane immerentem hac occasione erroris reum autumabat, emendaui nupera editione l. de generis hum. varietate nativa pag. 227.

VARIETATIS QVINTAE  
SPECIMINA BINA.

Bina haec crania insulanorum oceani australis s. pacifici, quibus collectionem meam ditauit munificentia Perill. BANKSII Baroneti, vtut per se iam tam ob ingentem locorum distantiam in aduersa orbis terrauei plaga vnde aduecta sunt, quam ob gentium ad quas pertinuerunt famam et celebritatem summo supellestili meae ornamento sunt, praeterea tamen dupli ex caufsa tanto magis memorabilia sunt; quod nempe hactenus nullum huius varietatis generis humani caput osseum iconē exhibutum sit: tum vero quod ad bina ea stemmata pertineant in quae istam varietatem denuo dispescendam esse nuperis nonnullis auctoribus visum est. Alterum nempe, quo et Otaheitenses referunt, badii coloris et elegantioris formae, qua, aequē ac lingua, cum Malais conueniat; alterum contra, cui et Nouo-Hollandos accensent, tam fusco magis colore, quam vultu proprius ad Aethiopum habitum accedens. Quam tamen differen-  
tiam non tanti momenti esse, docet tum curatissimorum autoptarum obseruatio, qua constat, multifariis gradationibus oceani istius insula-  
nos quoad vultum gentilitium inter se differre et inuicem denuo confluere; (inter ipsos v. c. Otaheitenses alios Europaeis satis similes esse, alios contra Mulatorum faciem p[ro]ae se ferre g); Nouo-Caledo-  
nios autem medium inter hos et Papuanos tenere locum &c.) tum vero ipsius quam hic exhibeo craniorum bigae contemplatio et comparatio.

## XXVI. OTAHETITAE.

(— Tab. XXVI. —)

Retulit hocce cranium BANKSII generosiss. rogi fortis et ani-  
mosus Nauarchus, GUIL. BLIGH, ex memorabili itinere redux quo  
artocarpi incisae stirpes ex Societatis insulis oceanii australis in Indias  
occidentales felicissimo successu transportauit. Tantoque maioris

B 2

aestu-

g) v. BOUGAINVILLE *voyage autour du monde* pag. 214.

aestumandum quod inferiore mandibula adhuc instructum sit, quae in publicis sepulcretis, vbi funera ex gentis istius ritu machinis elatioribus imponuntur, in tanto coeli ardore cito a capite soluta delabitur et cum aliis confunditur; ab eorum vero cadaueribus qui in clade occubuerunt a victoribus statim rescinditur et tropaei loco horum ante fores suspenditur.

*Charactères primarii.* Caluaria modice angustata; utriusque tamen bregmatis medio insigniter protuberante. Mandibula superior aliquantum prominens. Frontis medium et verticis, vbi futura sagittalis excurrit elatiore quasi iugo distinctum. Arcus superciliares admodum tumidi.

*Alia obseruata.* Vtraque lamina orbitalis ossis frontis, eo praesertim loco cui glandula lacrymalis assedit, pluribus et maioribus foraminulis pertusa est, quam unquam alias me vidisse memini. Inprimis vero memorabile est vulnus quo diu ante mortem, lanceae ut videtur iactu, afflictum fuisse Otaheitam ad quem hoc cranium pertinuit, necesse est, ex quo nempe diffracta et in interiora ossis ethmoidei intrusa lamina papyracea orbitae sinistram cum vicini narium internarum partibus osseis, mirum in modum conferbuit.

Conuenit ceteroquin cranii huius habitus perfecte tam cum iis quae de rudiore vultu et lineamentis plebeiorum Otaheitensium perhibentur <sup>h)</sup>, quam cum fidis et a peritis artificibus profectis imaginibus eorum, v. c. iis notissimi OMAI quae ad NATHANAELIS DANCE et JOSUAE REYNOLDS picturas aeri incisae sunt.

\* \* \*

## XXVII.

<sup>h)</sup> Ita v. c. de iis magnus ceteroquin Otaheitensium encomiastes, desideratiss. G. FORSTER in *voyage round the world* vol. I. pag. 265. "their features were very irregular, and in general very ordinary."

Et pag. 290. "artless nymphs in whom youth supplied the want of beauty."

## XXVII. NOVO- HOLLANDI.

(— Tab. XXVII. —)

Viri iuuenis est, et quidem, vt ex Perilluſtris BANKSII litteris didici, ex primis eorum qui noua Anglorum colonia prope fretum botanicum (*Botany-bay*) ad Sydneii finum (*Sydney-cove*) constituta, huic se committere et cum nouis aduenis degere ausi sunt.

*Characteres primarii* in vniuersum cum iis quos ad Otaheitae cranium recensui, conueniunt, bregmata tamen minus protuberant; hinc caluaria angustior et hoc respectu paulo propius ad Aethiopicum habitum accedens. Mandibulae superioris anterior facies naribus subiecta vtrinque vsque ad caninorum dentium alueolos singulariter plana; fortassis ex diutina obicis transuersalis pressione, quod barbaros istos septo narium perforato gestare, notum est. Choana perangusta. Fissurae orbitales superiores praeter modum breues et exiguae.

*Alia obſeruata*: ossium vnguis loco rima angusta, fere linearis, ita vt si adfuerunt ea officula, ipsa tamen mirifice angusta fuiffe, necesse est. Alueolus dentis incisoris superioris medii dextri coaliatus, quod eum dentem Nouo-Hollandi pueris suis tantum non omnibus, ex superstitione vt videtur ritu, euellant.

Proxime abest cranii huius habitus ab imagine accurata Papuanus ex ins. longa (Belg. *Lange Eiland*) ad caurinum littus Nouae-Guineae, quam peritus artifex CORN. DE BRUIN itinerario suo inseruit *i*), et cui binos iuuenes Nouo-Hollandos, quos nouae Coloniae primus Gubernator cl. PHILLIPS Londinum attulit, simillimos esse, ab autoptis doceor.

\* \* \*

B 3

SVPPLE-

*i*) v. EJ. *Reizen over Moskovie &c.* Amst. 1711. fol. pag. 364. tab. 197.

Collato Nic. STRUYCK in *Vervolg van de Beschryving der Staartsterren*.  
ibid. 1753. 4. pag. 165.

SVPPLEMENTVM . TRIVM CRANIORVM  
INFANTILIVM DIVERSISSIMARVM GENERIS  
HVMANI VARIETATVM.

XXVIII. *PVELLAE IVDAICAE.*

(— Tab. XXVIII. —)

XXIX. *INFANTIS BVRAETI.*

(— Tab. XXIX. —)

XXX. *AETHIOPIS NEONATI.*

(— Tab. XXX. —)

Trigam hanc craniorum hic subiungere operae pretium duxi quod luculenter demonstret, characteres gentilitios, quibus varietates diuersissimae generis humani ab inuicem differunt, iam infantili aetatula conspicuos esse.

Duo ideo specimina exhibeo binorum in ea varietatum scala extremerum, quae nempe omnium maxime inter se abhorrent, Mongolicae inquam et Aethiopicae. Tertium vero quod perfecte medium inter ista extrema locum tenere dicendum est, ad Caucasiam varietatem pertinens.

Hoc scil. Iudaicae puellae circiter quinquennis, hisce in terris natae et symmetrica conformatiois elegantia insigne.

Alterum, Mongolicae quippe varietatis, Buratici infantis est sesquiennis, quod rarissimum exemplum iterum Perillustris ASCHIADAE munificentiae debo. Irkutzum primo attulit cl. KRATZSCH, meritissimus cui summa exercitus commissa est, chirurgus: dehinc vero Petropolin secum attulit cl. LAXMANN Russorum Imperatrici ab aulae consiliis. Utut infantile, molle quasi et rotundatum, non infitiandum tamen Mongolicum characterem, faciem nempe

nempe complanatam et iugalia ossa extrorsum prominentia, aperte  
prae se fert.

Tertium denique, Aethiopis nempe neonati, acceptum  
refero cl. BILLMANN, chirurgo Cassellano experientissimo. Tenellum  
hocce cranium mandibulis porrectis vel primo intuitu originem suam  
et ingentem a Mongolica varietate differentiam, luculentissime testatur.

\* \* \*

Coronidis denique loco bina monere liceat, quae vniuersam  
iconum craniorum, quae ternis decadibus exhibui, rationem attinent.

Primo nempe, quodvis cranium eo situ et aspectu delineatum  
esse, quo characteres eius distinctiui gentilitii euidentissime oculos  
feriunt. Alia ergo a latere, vt ea Aethiopum. Alia directe a fronte,  
vt macrocephali istius, (Dec. I. tab. III.) aut Indi Americae septen-  
trionalis, (Dec. I. tab. IX.). Longe plurima autem directione plus  
minus oblique deflexa, quod eo situ plerorumque character distincti-  
vus omnium optime dignoscatur; melius quam si vel a latere vel a  
fronte exhibitum fuerit caput: adeo vt me hac ratione, curate in  
quouis aspectum maxime characteristicum exquirendo, studio hocce  
anthropologico longe satius consuluisse persuasus sim, quam si quod-  
vis eorum dupli figura, a latere nempe et a facie directa, ex-  
hibuisssem.

Alterum monitum eo redit, quod tamen artis delineandi peri-  
tis per se patet, omnes ac singulas craniorum icones pictorum more  
ex uno eodemque punto optico s. principali fixo et immutato, per-  
spectiuice vt dicunt, delineatas esse; minime gentium vero ortho-  
graphicā architectōrum projectione, qua axis opticus sensim sensimque  
mutatus semper horizontali directione cuius obiecti parti obuersus  
est


est k). Quanquam enim haec ratio architectonicarum designationum fini egregie respondet, imo et in vulgaribus tabulis anatomicis satis commode adhiberi potest, quod plures simul obiecti partes visui offerat, quarum contra in perspectiva delineatione altera alterum absconderet; eandem contra in eiusmodi imaginibus quales hic exhibui et quarum vis et usus vnicē in accuratissima representatione vultus characteristici gentilitii, proportionis ergo et habitus totalis consistit, nunquam sane admittendam esse, facile fatebitur qui craniorum iconem, orthographica ista architectorum projectione designatam, qualis v. c. in B. S. ALBINI *tabulis ossium* extat, cum ipsa natura comparauerit, utpote in qua, fatente ipso tabularum istarum egregio auctore l), "quia more architectorum „mensurata et reddita erat, dentium series *multo latior* est quam si „quis pictor prope adstans ex uno eodemque aspectu cerneret. — „Pleniora enim et latiora apparent omnia quae architectorum modo „mensurata sunt."

k) v. pluribus de duplice hac delineandi ratione disputantes, CAMPERUM in epistola ad anatomicorum principem magnum Albinum, Groning.


1767. 4.


et B. S. ALBINUM annotationum academicarum L. VIII.

l) *Annotat. academic. I. c. pag. 25. 28. 30 et al.*




XXXI. *Feminae Georgiana*.







XXXIII Sarmatae Lituani.







XXXIV Sinensis Daurici.







XXIV Eskimotæ 1<sup>mi</sup>.






XXV Eskimote 2<sup>di</sup>







XXXVI O- taheitæ.







XXVIII Novo-Hollandi.






XXVIII Pueræ Judææ.






XXIX *Infantis Buræti.*







XII. *Aethiops neonati.*







~~Hed. Physic. 276~~



© SUB GÖTTINGEN / GDZ | 2010



**QPCARD 201**

